

Om Jai Jagdish Hare | By Tripty Shakya |

Om Jai Jagdish Hare
Swami Jai Jagdish Hare
Bhakta janon ke sankat,
Daas janon ke sankat,
Kshan mein door kare
॥ Om Jai Jagdish Hare ॥

Jo dhyāve phal pāve,
Dukh binse man kā,
Swami dukh binse man kā
Sukh sampatti ghar āve,
Sukh sampatti ghar āve,
Kasht mite tan kā
॥ Om Jai Jagdish Hare ॥

Māt pitā tum mere,
Sharan gahun kiski,
Swami sharan gahun kiski
Tum bin aur na dūjā,
Tum bin aur na dūjā,
Ās karun jiski
॥ Om Jai Jagdish Hare ॥

Tum pūran Paramātmā,
Tum antaryāmi,
Swami tum antaryāmi
Pārbrahm Parameshwar,
Pārbrahm Parameshwar,
Tum sab ke Swami
॥ Om Jai Jagdish Hare ॥

Tum karunā ke sāgar,
Tum pālan-kartā,
Swami tum pālan-kartā
Main moorakh phal-kāmi,
Main moorakh phal-kāmi,
Kripā karo bhartā
॥ Om Jai Jagdish Hare ॥

Tum ho ek agochar,
Sabke prānpati,
Swami sabke prānpati
Kis vidhi miloon dayāmaya,
Kis vidhi miloon dayāmaya,
Tumko main kumati
॥ Om Jai Jagdish Hare ॥

Deen-bandhu dukh-hartā,
Thākur tum mere,
Swami rakshak tum mere
Apne hāth uṭhāo,
Apne sharan lagāo,
Dwār paḍā tere
॥ Om Jai Jagdish Hare ॥

Vishay-vikār mitāo,
Pāp haro Devā,
Swami pāp haro Devā
Shraddhā bhakti baṛhāo,
Shraddhā bhakti baṛhāo,
Santan kī sevā
॥ Om Jai Jagdish Hare ॥

Om Jai Jagdish Hare
Swami Jai Jagdish Hare
Bhakta janon ke sankat,
Daas janon ke sankat,
Kshan mein door kare
॥ Om Jai Jagdish Hare ॥

<https://bhaktivandana.com/lyrics/%e0%a5%90-%e0%a4%9c%e0%a4%af-%e0%a4%9c%e0%a4%97%e0%a4%a6%e0%a5%80%e0%a4%b6-%e0%a4%b9%e0%a4%b0%e0%a5%87-by-tripty-shakya/>